



**SIARAN MEDIA**  
**MAJLIS MALAM GALA**  
**5<sup>TH</sup> ASEAN CHILDREN'S FORUM BRUNEI DARUSSALAM**

**Bandar Seri Begawan, Rabu, 8 Ogos 2018** – Duli Yang Teramat Mulia Paduka Seri Pengiran Muda 'Abdul Wakeel ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah dan Yang Teramat Mulia Paduka Seri Pengiran Anak Puteri Ameerah Wardatul Bolkiah binti Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, berkenan berangkat ke Majlis Malam Gala sempena penutup Forum Kanak-Kanak ASEAN Ke-5 (*5<sup>th</sup> ASEAN Children's Forum – ACF*) berlangsung di Serambi Suluh, Tarindak D'Seni malam ini.

Keberangkatan Duli Yang Teramat Mulia dan Yang Teramat Mulia dijunjung oleh Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin, Menteri Kebudayaan, Belia dan Sukan; Yang Mulia Awang Haji Amer Hamzah bin Pehin Orang Kaya Amar Pahlawan Dato Seri Setia Awang Haji Zakaria, Pemangku Setiausaha Tetap Kementerian Kebudayaan, Belia dan Sukan selaku wakil Kebajikan Sosial dan Pembangunan Sosial (*Senior Officials Meeting on Social Welfare and Development – SOMSWD*) Brunei Darussalam; duta-duta serta perwakilan negara-negara anggota ASEAN; Yang Mulia Dayang Rostinah binti Pehin Orang Kaya Seri Sura Pahlawan Dato Paduka Haji Mohd Tahir, Pemangku Pengarah Pembangunan Masyarakat.

Sejurus keberangkatan tiba, Duli Yang Teramat Mulia dan Yang Teramat Mulia berkenan berangkat menyertai sesi bergambar ramai bersama para delegasi. Selesai sesi bergambar ramai, Duli Yang Teramat Mulia dan Yang Teramat Mulia dijunjung bagi menandatangani lembaran kenangan dan seterusnya menyaksikan persembahan kebudayaan bertajuk 'Senandung Budaya' daripada Kementerian Kebudayaan, Belia dan Sukan dengan kerjasama Yippie Music School.

Acara diteruskan dengan sembah alu-aluan daripada Yang Mulia Awang Haji Amer Hamzah bin Pehin Orang Kaya Amar Pahlawan Dato Seri Setia Awang Haji Zakaria, Pemangku Setiausaha Tetap Kementerian Kebudayaan, Belia dan Sukan selaku wakil Kebajikan Sosial dan

Pembangunan Sosial (*Senior Officials Meeting on Social Welfare and Development – SOMSWD*)  
Brunei Darussalam.

Acara selanjutnya adalah sembah rumusan dari perwakilan delegasi kanak-kanak yang telah disampaikan oleh Yang Mulia Nurul Farah Nabila binti Kamarudin dari Malaysia dan kemudian diikuti dengan sembah tayangan video yang menayangkan aktiviti-aktiviti para delegasi sepanjang forum dijalankan. Majlis turut diwarnai dengan persembahan budaya daripada delegasi setiap negara anggota ASEAN.

Sebelum berangkat meninggalkan majlis, Duli Yang Teramat Mulia dan Yang Teramat Mulia dijunjung menerima pesambah yang mana pesambah tersebut merupakan lukisan hasil daripada delegasi kanak-kanak dari setiap negara-negara anggota ASEAN.

### Tamat ###

*Dikeluarkan Oleh:*

*Unit Perhubungan Awam*

*Jabatan Pembangunan Masyarakat*

*Kementerian Kebudayaan, Belia dan Sukan*

*Negara Brunei Darussalam*

*Tarikh: 26 Zulkaedah 1439 / 8 Ogos 2018*